

Q. B. V.
DE EO,
QVOD IVVENIS LITERARVM STUDIOVS
SVO DEBEAT CORPORI,
VTI MANIBVS DIVIS ECCADO-RICHTERIANIS
IVSTA PERSOLVERET,
EPHORO SVMME REVERENDO,
PATRONIS, ET LITERARVM FAVTORIBVS,
INSTITVTVM PROBANTIBVS,
D. VII EIDVVM SEXTIL. H. L. Q. C.
IOANNES GOTTHELF KVPFERVS, TSCHOPAV,
BONI INGENII AC MORIS IVVENIS,
PEROBABIT MEMORITER,
CVI PROPITIAM AVDIENDI VOLVNTATEM
PRECE DECENTI EXPETIT
M. SAM. MOLLERVS, G. P. R.

FREIBERGAE,
Typis CHRISTOPHORI MATTHAEI,
A. 1739.

Biogr. erud.

D. 1667, 8

Vitt. Erud. fing. — Vol. Schv. — Schv.

ANte, quam Deus O.M. post tenebras, lucem mundo meliorem redditurus erat, scholæ non modo apertæ, sed viri etiam quæsitæ inventique sunt, qui, ipsi ingenii laude florentissimi, ornarent ac juvarent istas, ac juventuti, literarum, & diviniore disciplinæ cupidæ, omnis doctrinæ copias impertirentur. Tales in primis Freiberga nostra, cum eidem, salutari consilio, curæ incumbere, feliciter obtinuit: quorum vero, nonnullos, quasi de loco conspectiore ostensos, & probe tandem cognitos, non urbes saltem amplissimæ instruatissimæque certatim appetiverunt, sed ipsi quoque Patriæ Patres Serenissimi illustribus ab se Gymnasiis conditis præfecerunt. Omnes quasi in uno erant Rivio; sed, post eum, Fabricius Misenæ, Siberus Grimæ, Portæque Lindemannus, Duces atque Rectores, bona, eodem fere tempore, docuerunt ac aluerunt ingenia, quorum quidem metropolis hæc metallifera fidem dexteritatemque experta fuerat. Veluti autem majus nullum, nullumque præstantius reipublicæ munus afferri possit, quam hoc, si quis ad formandam erudiendamque juventutem suam conferat operam: sic & venerari istos, quos idem occupat labor, ipsaque post fata gratum se illis, per quos crevisse contigit, præstare, est piissimum. Talem, si quis alius, Fabricio præcipue, Doctore suo, tam vivo, quam cum ipsi superstes factus erat, noster certe Hempelius præstitit: cuius fere scripta omnia, quæ multa sunt, nomen eiusdem, honorem, inque rem literariam merita, referunt. Probet hoc, quando nunc superioris aliquid temporis monumentorum edendum est, carmen illud sanctitatis plenum, quo iste epicedium, ab se in Fabricii obitum elegantissime conscriptum, Heroi Per illustri ac Generosissimo, Laurentio a Schoenberg, longiore vita dignissimo, ex contubernii prioris lege dedicat amicissime, ac una rei metallicæ præfecturam gratulatur.

Magnifico Viro Generis Nobilitate, Virtute, & sapientia præstanti LAURENTIO a SCHONBERG, in Regenspurg, Illustris, Ducis Saxonix, AVGVSTI Electoris &c. Domini nostri clementissimi, Consiliario, & rerum Metallicarum Præfecto, Domino & Patrono suo observando.

MICHAEL HEMPELIVS, Freibergensis, S. D.

Beatus in vocatione qui sua,
 Ut sancta gens Ecclesiæ,
 Tenens fidem, bonamque conscientiam,
 Solutus omni crimine,
 Legem Dei puraque mente diligens,
 Dei timens fidelis est,
 Nec audit impios, eorumque ingredi
 Superba vitat limina.
 Nec a piorum proripit pedem via,
 Nec horret iram Dæmonis.
 Totius orbis fracta quamvis concidat
 Structura, in altumque irruant
 Cacumina alta montium: non hæ tamen
 Ferient ruinæ illum virum.
 Namque huic adest præfens Deus, custodiant
 Agunt & ejus Angeli.

Latetur ergo quilibet sibi datis
 Divinitus laboribus,
 Fungatur his alacriter, Deo simul
 Confidat imo pectore,
 In functione FABRICIVM scholastica
 Nostrum Magistrum sedulo
 Hoc factitasse novimus, ceu plurima
 Monumenta id eius indicant,
 Corona & ornat in polis amarantina
 Ipsum, & beata gloria,
 Illius, ut gratum ac discipulum pium
 Decet, minaci in patria
 Annos mea grassante pestilentia
 Quinque ante eram ut Nossavia:
 Praeclara dona, atque ordinem scholasticum,
 Et quos labores edidit:
 Virtutum an istius modi sanctissima
 Jactare possem semina
 Scholasticorum in pectora, illi ut organa
 Sint patriae salubria:
 Me lugubri juvat sonare carmine.
 Nec non ut ejus strenue,
 Annitar in scholastico, quo munere
 Jam fungor ultra bis decem
 Annos, & hortulum Deo planto sacrum,
 Vestigiis insistere.
 Huic Lauream Poeticam, qua ornatus est
 A Caesare, armaque addidi,
 „Decus Magistris est piis ac sedulis,
 „Deique donum maximum,
 „Videre discipulos pios, qui patriae
 Sint utiles, Ecclesiae
 „Probentur, aulis Principum cum laudibus,
 „Praesintque civitatibus.
 Hos inter unus stirpe de Schoenbergia,
 Sat nobili prosapia,
 LAURENTI, alumnus cum fueris Georgii
 Junctus mihi triennium:
 Pietas, fides, integritas, prudentia
 Insignis & spectabilis,
 Qua praeditus, fit nota nostro Principi:
 Qui ceu pater pro liberis
 Vigilat suis pro subditis, Ecclesiam
 Nutrix ut infantem fovet.
 Summo metallica rei te muneri
 Praefecit, ut dijudices

Causas inextricabiles, ac indices,
 Quid veritati consonet,
 Quid discrepet, quae recta sint, quae sint secus,
 Fecisti idem, Senatui
 Junctus quater anno Lipsiae qui convenit
 Jussu Senatus Principis.
 Fuiſti ut aequus omnibus, seu divites,
 Seu pauperes, seu nobili
 Erant loco, sive infimo nati: tamen
 Coluisse justitiam, & juvat
 Te caeca dona spernere, id curae quoque
 Tibi esse jam omnes novimus.
 „Non est magistratus, nisi a vero Deo,
 „Hunc qui eligit, quique ordinat,
 „Curat, juvat, fovet, tuetur, diligit,
 „Suisque stipat Angelis.
 Sublimi is hoc, in pergravique munere
 Vult Spiritu prudentiae
 Aesse, vires corporis concedere,
 Roburque sufficiens tibi.
 LAURENTI, eam sublimitatem ergo meo
 Congratulor de pectore.
 Annis meorum ut mollibus commilito
 Studiorum eras suavissimus,
 Maneto sic horum, & meus, dum vivimus,
 Rogo, patronus optimus.
 Tricesimus nunc annus est, quo nos schola
 In Fabrici una viximus.
 Addat Deus nobis totidem his feliciter,
 Et post beata gaudia.
 Voti huius, utque amoris in te extet mei
 Pignus, sciant quod posteris,
 Lustrum ante scriptum carmen hoc, nunc edidi,
 Illud tibi que dedico.
 Quod si fatis nec splendidum, nec auribus
 Doctis tuis faciat: tamen
 Boni Magistrum propter illud consulens,
 A me libenter accipe.

Fribergi, Anno Christi MDLXXVII, Die xxix Mens. vrbis, quo die in Ecclesia Fe-
 stum de Sanctis & Deo obedientibus Angelis, ad consolationem omnium piorum con-
 tra Satanam, celebratur. Eoque die, anno MDXXXIIII, natus sum, quem
 annum numerum sequenti Chronodisticho, inclusi.

HaeC hoDie est LVX Friberga qVa nascor In Vrbe
 En ea tota probe ConCeLebranDa Venit.